

Jém segunda carta jém ijáyayñewiip Pablo jém Corintopic pixiñtam

**Pablo idioschiiba jém Dios ipixiñtam
jém ifyajwiip jém attebet Corinto**

1 Ich aPablo. Jesucristo accám juuts tum apóstol porque jempigam ixunpa tanJatuḡ Dios. Siip ich con jém tantiwi Timoteo manjáyaytámpa mimichtam, jém Dios mipixiñtam, jém miḡtuumatampáppic jém attebet Corinto. Anjáyypatim ifumpiy jém Dios ipixiñtam icuwíti jém naxyucmi de Acaya. ²Siip jém tanJatuḡ Dios y jém tánQmi Jesucristo miwíwadaytámiñ, michiítámiñ paz.

Nimpa Pablo iga tsam yaachwatta

³Siip tanḡujiptámpa jém tanJatuḡ Dios jém tánQmi Jesucristo iJatuḡ. Tsam tayaachanjampa, tacpocsáypa tánanama. ⁴Dios tsam tacpocsáypa tánanama cuando pimi tayaachwattap, jesic taichtam wiaptim tanacpocsáypa iḡnamayaj jém yaachayajpaap jexim juuts Dios tacpocsáypa tánanama. ⁵Tsam pimi tayaachwattapim yip vida jexim juuts yaachwatta jém Cristo. Jesic jeefim Cristo icuyucmi tacpocsayta tánanama

iga tanyaachfiñ cuando tayaachwattap. ⁶Jeeyucmi aichtam ayaachwattamtap iga manyoxpáttámpa iga Dios micpocsáyiñ iñanama y miciaacputtamtaiñ. Jeeyucmi aichtam acpocsayta ánanama iga michtam wiaíñtim iñyaachiyta cuando miyaachwattamtap jexim juuts aichtam cuando ayaachwattamtá. ⁷Aḡwijodoḡ iga mimichtam da iñhactámpa jém Dios inḡati porque siiga miyaachwattamtap juuts aichtam, numa Dios micpocsáypatim iñanama juuts aichtam acpocsayta ánanama.

⁸Mantiwitam, ansunpa iga iñjodóḡatámiñ iga tsam pimi ayaachwattamtá jém naxyucmi de Asia. Tsam pimi acutítstamtá hasta casi da wiap anyaachiyta. Ich anjístámpa idic iga jemum accaatamtap. ⁹Ich anjampa juuts apreso, jém accaatapáppic. Dios ijícpa iga annascaaba jempic iga odoy aḡcupiguiñ iga ich wiap anayoxpáttá anyaac. Iwianjam tanJatuḡ Dios iga aḡcupiguiñ iga je icutum wiap ayoxpát, je wiap icpis jém caaneyajwiip. ¹⁰Dios

taciaputta iga da tanicpa jem infierno. Jesic taciaputpatim cuando tanascaaba jem mijpic yaachaji. Tannuntawijodon iga siempre taciaputtampa. ¹¹Siiga mimichfam anyoxpattamtooba, anwejpattaami Dios para aichfam. Siiga wafi pixinfam inwejpátyajpa Dios para aichfam, jesic núcpa jama iga jáyan pixinfam ichiijajpa gracia Dios iga tsam awiwadayñeta.

**Íiiga jem Pablo da nicpa
jobif jem atebet Corinto**

¹²Aichfam agui amaymáyata porque anjodon ananamanjom iga anwíwatne yíp naxyucmi y mimichfamanjom juuts anquejáy Dios. Ich da anwíwatne ich anjiximi, yíp naxyucmipic, pero anwíwatne porque Dios tsam ayaachanjam y ayoxpát iga wíaiñ anwíwat. ¹³Ítumpiy jem cosa, jem siippic manjáyaypa, wiap immay y wiaptim inwicutiijiyta. Ansunpa iga odoy nunca tsaci iga incutiijiytamiñ. ¹⁴Siip incutiijiyñeum en parte. Cuando miñgacpa yíp naxyucmi jem tánQmi Jesucristo, michfam tsam mimaymáyatampa con aichfam y aichfam agui amaymáyatampatim con michfam.

¹⁵Ich anjampa ananamanjom iga amaymáyatampa con mimichfam. Jeeyucmi ich anjisa iga wiñfi manjoyñasáypa cuando anaspa jem. Jesic cuando asetpa, eybic manjoyñasáypatim. ¹⁶Anjisa iga manjoyñasáypa cuando anicpa jem naxyucmi de Macedonia. Ocmi cuando asetpa, eybic anaspa iga apoychíypa tum rato con

mimichfam, jesic wiap anyoxpátta cuando anicpa jem naxyucmi de Judea. ¹⁷¿Que michfam injisa iga mammigóyaypa porque hasta siip da oyñe manámta? ¿Que injisa iga ich ajex juuts tum pixin jem dapic icupicne Dios iga wiap anim tum rato iga anicpa y tungac rato animpa iga da anicpa? ¹⁸Pero Dios ijodon iga aichfam da mammigóyayta, da mannímayta jeefi rato iga anicpa y jeefi rato iga da anicpa. ¹⁹Ich con Silvano y Timoteo oy manajmadayta de Jesucristo jem Dios iManic. Yiptim Cristo siempre iccupacpa ti tanímayne, da tamigóyaypa. ²⁰Juí tanañwejpattampa Dios wi iga tanímtampa “Jempigam íf wí” porque tanjodon iga jem tánQmi Cristo iccupacpa juuts tajycámayne Dios. Jeeyucmi tanimpa iga “Jempigam íf wí.” Asíam tanjucijiptampatim jem tanJatun Dios. ²¹Siip mimichfam y aichfam Cristojam tammiichifam porque jem tanJatun Dios tacupiñeta y tamiichaneta. ²²Dios taccámayñeta tum sello iga quejiñ iga Dios tamiichi. Tachiifamtá jem Dios iAnama tánanamanjom iga tanjodónatamiñ iga seguro tampictsonjtampa ífam tachiiba Dios.

²³Danam nicne manjójáy juuts anjisne idic porque da manwogaytooba. Dios tsíy juuts tum testigo iga da mammigóyaypa. ²⁴Ich da mampiimiytooba juuts tum anjagooyi porque michfam inwícupicneta jem tánQmi Jesucristo juuts aichfam. Más wí iga tanwaganayoxatampa iga

tanaíftámiñ jém wibic maymáayaji. Seguideo iñcupicpa iga Cristo miyoxpátpa, da iñhacpa iga iñcupicpa.

2 Jeeyucmi ich anjís iga da nicpa manjójáy iga eybíc mantsiganjácwatpa iga manjogáypa. ²Siiga ich mantsiganjácwattámpa, ¿jesic i wiap amaymaywat aich? Da i más, solamente mimichám jém mantsiganjácwatnewiip. ³Jeeyucmi manjójáy juuts manjójayñe porque da anictooba iga mantsiganjácwattámpa mimichám. Más anjwianjam iga ammaymaywattámpa aich. Annuntawijodoñ iga cuando ich agui amaymáayap, jesic michgací agui mimaymáayatámpa iñtumpiyám. ⁴Jesic manjójáy jém wiñtipic toto, agui pimi manjísapa, pimi anyácne hasta awejpa. Pero da manjójayta iga minjác támiñ, manjójayta iga manacjodónap iga ich tsam pimi mantoytámpa.

Pablo iwadáypa perdón jém pìxiñ jém imalwatnewiip

⁵Siiga jém tantìwi, jém imalwatnewiip, tatsiganjácwattámpa, da solamente anyácpa aich, pero minjác támpaím mimichám. ⁶Siip ítum wì jém castigo, jém iñchiñnewiip jém tantìwi jém imalwatnewiip. Odom chijí más. ⁷Siip más wì iga tanjwadáyíñ perdón y tanacpocsáypa íanama. Da wì iga pimi anyácpa yíp pìxiñ hasta ichacpa Dios injmatí. ⁸Jeeyucmi manjuncunucsáypa iga anquejaayí yíp pìxiñ iga eybíc

iñfoytámpa. ⁹Manjójayñe wiñfi iga iñchiñ castigo jém pìxiñ iga manjcutítstámpa siiga numa injwattámpa juuts mananquejayñeta. ¹⁰Siiga mimichám injwadayñeum perdón jém pìxiñ, jesic ichgací anjwadáypaím perdón. Porque siiga ich anjwadáy perdón algun pìxiñ, anjwadáyum así iga manyoxpátámpa jém tánQmi Cristo icuyucmi. ¹¹Wì iga tanjwadáy perdón jém imalwatnewiip, jesic jém Wocciwiñ da wiap tachoñwíy. Porque tanjodoñ iga jém Wocciwiñ tsam jójayyanjichich.

Anyácne Pablo jém atebet de Troas

¹²Cuando nic anañmat jém tánQmi Jesucristo injmatí jém atebet Troas, tanJatuñ Dios tsam achi yoxacuy jemíc. ¹³Tsam anyácne ánanamajom porque da ampát jém tantìwi Tito. Jeeyucmi anañquímjajum jém tantìwitam jemíc, aset jém naxyucmi Macedonia.

Jém tánQmi Jesucristo tsam tayoxpátpa

¹⁴Pero iyucuipdios iga jém tánQmi Jesucristo siempre tayoxpátpa iga tanjcoñwiytámpa jém Wocciwiñ ipimi. Tayoxpátpaím iga tananictámpa jém Dios injmatí juíquej juuts tum wibic cìñi núcpa juíñquej. ¹⁵Aichám ajextam juuts jém poma ijoco icìñi juuts jém Jesucristo iñoaypaap iJatuñ. Núcpa jém icìñi juí íf jém iciacputyajpáppic y juí íf jém togoyyajpáppic. ¹⁶Cuando ixcupa jém togoyyajpáppic, da ipictsonjajpa. Jém ñapic

iwianjam cuando ixucpa, iccaaba. Pero cuando ixucyajpa jém iciacputyajpáppic Dios, jesic jém cñi ichiiba vida. Tsam mij yíp yoxacuy, da i wiap iwat siiga Dios da tayoxpátpa. ¹⁷ Aichám da síp aḡwatta negocio con Dios inḡaḡi. Da anaḡcodiytámpa juuts algunos tsam inḡodíypa. Pero aichám maḡwianquejáypa jém wibic aḡquímayooyi, jém ḡapic je miḡooyi, porque aichám Dios acutsatta. Anaḡmattámpa juuts aixtámpa Dios, juuts ayoxaciwiñ de jém tánOmi Jesucristo.

Aḡmadaytá jém pixiñtam de jém jomipic pacto

3 Cuando mannímaytámpa jempic, ¿que inḡjstámpa iga anyaac anacujíptap? ¿Que inḡxunpa iga maḡciḡjunḡodáypa tum toto iga ánixpictámiñ, iga da amalotam? ¿Que inḡxunpa iga maḡwágáypa tum toto iga ánixpictámiñ juuts iwatyajpa algunos? ² Mimichám mismo miḡoto iga quejpa iga aḡwíwatne. Jém jaycámnewiḡp ánanaḡmaḡjom jém tansuntampáppic. Jesic ifumpiy iixpicpa y wiap imay. ³ Mimichám miḡoto jém ijayñewiḡp jém Jesucristo iyaac y aciḡjunḡodaytá aichám iga ananicpa jém tungac pixiñtámaḡjom. Mijex juuts miḡoto, pero da mijayñe con tinta, mijayñe con jém Dios iAnama jém vivopic. Yíp toto ḡapic i jaycámne jém tsaatablayucmi, pero jaycámnetá jém pxiñ inanamayucmi.

⁴ Animpa así porque aḡcupicpa iga Dios wiap iwat ifumpiy cosa porque ánixpicne jém tánOmi

Jesucristo. ⁵ Aichám anyaac da tí wiap aḡwatta, pero ifumpiy jém wiapaap aḡwat, aḡwatpa porque Dios ayoxpátne. ⁶ Dios ayoxpátne iga anaḡmadáypa jém pixiñtam jém jomipic trato. Yíp jomipic trato da nimpá iga taḡcupicpa jém wiñicpic aḡquímayooyi, jém jayñewiḡp, pero nimpá iga tamḡictsonḡpa jém jomipic vida, jém tachiñewiḡp jém Dios iAnama. Porque jém wiñicpic aḡquímayooyi, jém jaychacnewiḡp, taccaaba, pero jém Dios iAnama tachiiba vida.

⁷ Jém Moisés inḡquímayooyi jaycámnetá jém tsaatablayucmi. Tsam pimi tsoḡpa jém Moisés iwiñpac cuando inimiñ jém aḡquímayooyi. Hasta jém Israelpic pixiñtam da wiap iámyaj. Tsam pimi tsoḡpa, pero jeḡti rato píchpa ixi. Pero siiga tsam pimi tsoḡpa jém Moisés iwiñpac cuando inimiñ jém wiñicpic aḡquímayooyi, jém taccaapáppic, ⁸ jesic más pimi wí jém wibic juctiaḡtsoḡa juḡ núc jém aḡmaḡi jém inimiñewiḡp jém Dios iAnama. ⁹ Tsam pimi tsoḡpa jém aḡquímayooyi, jém taccaapáppic, pero más pimi wítsoḡpa jém wibic aḡmaḡi, jém nimpáppic iga Dios tapictsonḡpa. ¹⁰ Porque siḡp jém pecapic aḡquímayooyi, jém tsampic tsoḡpa idic, ḡam para tí wí porque ni uxaj da ictsíypa juuts yíp jomipic aḡquímayooyi. Je más pimi wítsoḡpa. ¹¹ Porque siiga tsam wíquejpa iga miñ Diosciḡm jém aḡquímayooyi, jém ḡapic jáypa, tienes que más wíquejpa iga miñ Diosciḡm jém tungac aḡquímayooyi, jém jáypáppic para siempre.

¹² Como aichám aḡwijodonḡ iga más wí yíp aḡquímayooyi, jeeyucmi

annuumanmattámpa, da tí ançinpa.

¹³Da tanwatpa juuts jém Moisés. Je icujimpa iwiñpac con tum yic puctucu iga jém Israelpic pixiñtam odoy iixayayjiñ iga píchpa ixi jém iámooyi, jém aguipic tsocha. ¹⁴Pero jeeyaj da icutiüyiyaypa. Hasta siip cuando imayyajpa jém wiñcpic anquímayooyi, jém pixiñtam juuts icujimneyaj iwiñpac con jém yic puctucu y da wiap iguixixóy. Da i iccáyayñe jém puctucu porque da i wiap iccáyáy hasta que icupicyajpa jém Jesucristo. ¹⁵Hasta siip cuando imayyajpa jém Dios inmañi, jém ijayñewiip jém Moisés, jém pixiñtam juuts anjimne ijixi con jém yic puctucu. Jeeyucmi da wiap icutiüyiyay jém Dios inmañi. ¹⁶Pero cuando tum pixiñ icupicpa jém tánQmi Cristo, jesic accáyaytap jém yic puctucu. ¹⁷Jém tánQmi je jém Dios iAnama. Juñ it jém tánQmi iAnama, cutsigayñetawum jém pixiñtam iga odoy más icupicyajiñ jém Moisés inquímayooyi. ¹⁸Jeeyucmi taichfam como taccáyayñetawum jém yic puctucu tanwiñpacyucmi, tajextam juuts tum tescat. Quejpa jém tanwiñpacyucmi jém tánQmi ichoca. Cada jama más y más tacucacpa iga más y más tatsíypa juuts jém tánQmi Cristo. Más pimi tawitsocpa hasta más quejpa jém Cristo. Iwatpa jempic jém tánQmi iAnama.

4 Jesic jém tanJatuñ Dios ayaachanjamta y ayoxpáttampa iga wiañ anwatta jém Dios iyoxacuy, jeeyucmi da antsacta. ²Siip ich antsacneum jém migooyi, jém añnécnewiip, jém

tatsaawatpáppic. Da asiítampa juuts jém pixiñtam jém tsampic jáyayanjichich. Da añcucagáy jém Dios inmañi. Anañmattámpa jém numapic anquímayooyi. Jesic itumpiy jém pixiñtam ijodonñ ianamanjom iga da ammigóyáypa. Ijodonñim jém tanJatuñ Dios. ³Da añnécne yíp wibic anmañi. Solamente añnécne para jém pixiñtam jém togoyajpáppic. ⁴Como jeeyaj da icupicyajpa yíp wibic anmañi, jém Wocciwiñ, jém yíppic naxyucmipic dios, icáchtiwatne jém pixiñtam, jém dápic icupicyajpa Cristo, iga odoy icutiüyiyiñ y odoy wiañ iixyay jém wibic jucti antsocha, jém wibic anmañi, jém tachiiñewiip jém tánQmi Cristo; je jém Dios icuwiñ. ⁵Cuando anañmattámpa, da anañmattámpa aichfam pic anañmañi. Anañmattámpa iga jém Jesucristo je tánQmi. Aichfam nada más amozotam iga mançuyoxatámpa porque tsam tatoypa jém Jesucristo. ⁶Porque jeetim Dios iwat jém jucti iga yicquejóypa jém piichciim cuando mu iwat yíp nas. Jeetim Dios tayicquejpa tánanamanjom iga wiañ tánix jém wibic Dios jém Jesucristo iwiñpacyucmi.

Wi iga tanaítpa fe iganam taiítámpa yíp naxyucmi

⁷Pero taichfam tanaít yíp wibic jucti antsocha jém nassuunjom. Yíp nimtooba jém tammijtay. Jesic quejpa iga Dios tachiiba yíp tsam mijpic pimi, da je taichfam tampimi. ⁸Aichfam ayaachwattamtap juñquej, pero

siempre tacupujtap. **Da** anjodotam fi wiap anwatta porque tsam íf jém enemigo. Pero **da** nunca anjísipa iga acoñwíyapa. ⁹Tsam amalwadayfamtá, pero Dios **da** atsacta ancuftum. Accutiñtamta naxyucmi, pero **da** i wiap mu accaata. ¹⁰Jufquej anicpa, accaataatooba juuts accaata jém Cristo. Pero **jufquej** anicpa, quejpa iga vivo jém Cristo porque tsam acupujpa. ¹¹Ich anjodoñ iga accaataatooba ífumpiy jama jém Jesucristo icuyucmi. Jempam quejpa iga anaítta jém Cristo ivida jém ammíjtayyucmi, jém caapáppic. ¹²Tsam ayaachwattamtap yíp naxyucmi. Accaatamtooba aichftam, pero mimichftam impictsonftampa jém vida jém tachiinewiip jém Jesucristo.

¹³Nimpa jém Dios inmáti jém jayñewiip: “Ich ancupicpa iga Dios wiap tayoxpát.” Jesanetim aichftam ancupicpatim juuts jém pixiñ jém ijayñewiip jém Salmo iga Dios wiap tayoxpát, jeeyucmi wiap anajmat jém wibic ajmáti. ¹⁴Ich anjodoñ iga Dios, jém icpisnewiip jém tánQmi Jesucristo de **juf** íf jém caaneyajwiip, tacpispátim taichftam y tananictamtap tantumpiyftam jém Dios iwiñjom. ¹⁵Annascata jém yaachaji mimichftam inçuyucmi iga miwíwadáyapa Dios. Porque cuando wíwadayyajta, tsam jáyan pixiñtam ichiiyajpa gracia Dios, icujípyajpa.

¹⁶Jeeyucmi ich **da** nunca antsactamtooba jém Dios inmáti. Tsam ayaachwattap. Yajtooba jém ammíjtay, pero cada jama joomasetpa jém ánanama. ¹⁷Yíp yaachaji jicsciy naspa, **da** jáyapa

cuyajpa, pero jém tancoñwiyooyi sinyucmi tsam pími wi, **da** nunca cuyajpa. Jeeyucmi tanjampa iga yíp naxyucmicpic yaachaji **da** más pími y **da** más jáyapa. ¹⁸**Da** tanwadáyapa caso jém cosa jém tánixpáppic, pero tanwadáyapa caso jém **dapic** tánixpa porque jém tánixpáppic cuyajpa. Jém **dapic** tánixpa, je **da** nunca cuyajpa.

5 Siip tanjodoñ iga misap jém tammíjtay yíp naxyucmi jex juuts tum tic **dapic** jáyapa. Pero Dios tawadayñe tum tic sinyucmi, jém **dapic** nunca misap, jém **dapic** je **pixiñ** iwáti. ²Numa, iganam taít yíp naxyucmi tsam tanjísipa jém sinyucmicpic tic. Tsam tanjucágaytooba yíp tammíjtay iga nicpa taíti jém sinyucmicpic tic. Yíp nimtooba jém jomipic míjtay. ³Anaccámpa juuts tum jomipic yoofti iga odoy atsíyñ ançusici. ⁴Iganam anaít yíp ammíjtay juuts tum tic agui anyácne, tsam anjísipa iga antsactoooba jém ammíjtay. **Da** antsactoooba yíp pecapic yoofti iga atsíyapa ançusici, pero antsactoooba iga ampictsonpa jém jomipic yoofti. Jesic cuyajpa yíp naxyucmicpic míjtay, jém caapáppic, ampictsonpa jém jomipic míjtay jém **dapic** caaba. ⁵Dios tawítsagáy tánanama iga wiap tampictson jém jomipic míjtay jém **dapic** cuyajpa. Tachiñeta jém Dios iAnama iga tacjodónap iga numa tampictsonpa jém tachiipáppic Dios.

⁶Jeeyucmi ich anwícupicpa iga achiiba títam ajíycamayñe Dios. Siip iganam anaít yíp ammíjtay, anjodoñ iga **danam** aí con jém tánQmi Cristo. ⁷Tantúníyapa jém

Cristo porque taŋcupicpa iga tayoxpátpa. Da tantúnŷyapa porque wiap tánix. ⁸Ich tsam aŋwicupicpa iga Dios achiiba fiŷam ajiycámayñe. Jesic más aŋwianjŷam iga antsacpa yíp miŷtay yiŷmpic anaiŷ iga wiáiñ nicpa aifi con tánOmi. ⁹Jeeyucmi aichŷam tsam aŋwadaytámpa caso fiŷam ixunpa Dios siiga anaiŷñam yíp ammijŷtay, o siiga anicneum. ¹⁰Tantumpiyŷtam tacnastamtap juŷ ciipinóyapa jém Cristo. Cada tumtum de taichŷam tayoŷtap juuts taŋwatta iganam taiŷ yíp vida. Siiga taŋwŷwat o tammalwat.

**Jutsap tantsíyŷa como
taamigo con Dios**

¹¹Aichŷam anjodon iga jém tánOmi tum mijpic aŋjagooyi, ichiiba castigo jém pixiñtam jém imalwatneyawŷip. Jeeyucmi ich tsam aŋwadáyapa caso iga anaŷmadáyapa jém pixiñtam jutsap iciiputyaj de jém castigo de Dios. Jém tanJatunŷ Dios iwŷjodon juutspic apixiñ. Ansunpa iga michŷam jodónataamŷim juutspic apixiñ. ¹²Da síp anacujipta anyaac, no más manchiiba lugar iga mimaymáyatámiñ con aichŷam, jesic wiap ininjŷiyjac jém pixiñtam jém tsampic nacujiptap iyaac. Jeeyaj tsam iwadáyapa caso jém cosa jém tánixŷampáppic, pero da iŷispa fi iniŷ iganamjŷom. ¹³Nimyajpa jém pixiñtam iga ich aloco porque tsam aŋcuyoxap Dios. Siiga aloco, wŷ para Dios. Siiga da aloco, wŷ para mimichŷam. ¹⁴Jém Cristo ífóyooyi tapiŷmíyapa. Taŋwŷjodon iga jém accaatawŷip accaata para ítumpiy jém pixiñtam, jesic ítumpiy

caayaj. ¹⁵Accaata jém Cristo para ítumpiy jém pixiñtam. Siip jém ipictsoŷnewiip jém jomipic vida da iwatpa juuts ixunpa iyaac, pero iwatyajpa juuts ixunpa Cristo, jém accaanetawŷip por jeeyaj, jém siippic piŷneum. ¹⁶Da anjŷispa tum pixiñ juuts yíp naxyucmipic. Wiñic anjŷispa idic jém Cristo juuts tum yíp naxyucmipic pixiñ, pero siip da más anjŷispa jempic. ¹⁷Jesic siiga tum pixiñ iwaganaiŷ Cristo, tsŷy juuts tum jomipic pixiñ. Cuyajneum ítumpiy jém wiñicpic jixi, jesic ítumpiy cosa jomiñam.

¹⁸Tawadayta jempic jém tanJatunŷ Dios cuando icutsat jém Cristo iga tawŷisagayŷa tantánca iga tatsíyŷamiñ taamigo con Dios. Siip taccám juuts tum iyoxaciwiñ iga tanaŷmadáyini jém pixiñtam iga wiáiñ ichŷyyaj amigo con Dios. ¹⁹Tanaŷjodónap jém pixiñtam iga Cristo iwaganaiŷ Dios yíp naxyucmi. Oy iwŷisagáy jém pixiñtam íŷánca iga odom más tsŷyyajiñ juuts enemigo con Dios. Dam más ichégáyapa jém pixiñtam íŷánca. Taichŷam tachiita jém cargo iga tanaŷmadáyapa jém pixiñtam jém wibic aŷmaŷi iga dam más tsŷyapa juuts enemigo con Dios. ²⁰Ich acutsat Cristo juuts tum representante. Maŷcunucsáyapa juuts Dios micunucsáyapa iyaac iga michíyŷamiñ amigo con Dios. Maŷcunucsáyapa jém Cristo inŷiyimi iga odom más michíyini juuts enemigo con Dios. ²¹Jém Jesucristo da iwat ni tum táŷca, pero por culpa de taichŷam, Dios iix jém Cristo juuts tum pixiñ táŷcaiywŷip. Jempam iwat Dios iga taichŷam

tatsíyámiñ juuts tum wibic pìxiñ jém Dios iwiñjom porque Cristo tamiichi.

6 Jesic aichtám aṅwaganayoxatámpa Dios, jeeyucmi maṅcunucsáypa mimichám iga odoy xajapictsoṅi jém Dios itóyooyi, jém siippic miṅquejayñe Dios. ²Nimpa jém Dios iṅmaṭi juṭ jayñeta:

Cuando núcpa jém tiempo iga tawiwadaytooba Dios, jesic tamatoṅtámpa.

Cuando núcpa jém jama iga taciaputtámpa Dios, jesic Dios tayoxpáttámpa.

Siip núcum jém tiempo iga tawiwadáypa Dios. Siip núc jém jama iga taciaputtamtap.

³Agui anawattap cuenta anyaac iga odoy ammalwadiñ porque jesic dá i imalnímáypa yíp anyoxacuy. ⁴Ṭítam annascaaba anyaaçhiyámpa iga quejiñ iga aṅcuyoxatámpa Dios. Cuando ayaachwattap y cuando it jém yaachaji, dá anai ṭítam atogóyáy, aichtám anyaaçhiyámpa. ⁵Cuando tsam acótstamtap y apajtamtap y tsam it jém ajóyixpáppic, jesic anyaaçhiyámpa. Cuando tsam pimi ayoxatámpa iga aṅwattámpa jém Dios iyoxacuy hasta dá wiap ammonṭa y tsam ayuaṭámpa, jesic anyaaçhiyámpaṭim.

⁶Quejpa iga aṅcuyoxatámpa Dios porque siempre aṅwiwattámpa, aṅcutiiyiyámpa jém numapic aṅmaṭi, anyaaçhiyámpa cuando ayaachwattamtap, dá amalotam, anaíṭa jém Dios iAnama, anaíṭa jém wibic tóyooyi. ⁷Anaṅmattámpa jém numapic aṅmaṭi, achiifamta

jém Dios ipimi, anasiitámpa jém Dios iṅmaṭi jex juuts tum espada iga aṅcoñwíypa jém ánenemigoyaj y con jém espada wiapṭim anacupujta. ⁸It jama awiixfamtap, it jama ajóyixfamtap. It jama awinímayfamtap, it jama amalnímayfamtap. It jama jém pìxiñtam iṅsiyajpa iga ich amigóypa, it jama iṅsiyajpa iga ich dá amigóypa. ⁹It jama aixfamtap juuts tum pìxiñ dápic i iixpicpa, it jama aixfamtap juuts tum pìxiñ ixpictapáppic. Accaatatooba, pero hasta siip aítta vivo. Tsam achiifamta castigo, pero dá i accaata. ¹⁰Icham tsam pimi aṅyácneta, pero agui amaymaytam. Tsam apobretam, pero agui anricowatpa jém pìxiñtam. Dá ti anaíṭa, pero itumpiy cosa ammiichíam.

¹¹Mantiwitam, miíṭaṅwiip jém atbet Corinto, ich maṅwianquejayñe itumpiy jixi jém itwiip áṅanamaṅjom. Da ti anaṅécne áṅanamaṅjom. ¹²Ich tsam mantoytámpa, pero mimichám dá antoytámpa parejo juuts ich mantoypa. ¹³Ich maṅcunucsáypa juuts tum jatunpic icunucsáypa imanic iga inñuumañmadáyñ ti iniit inañanamaṅjom juustim ich aṅwatne.

Taichám tamastic jém Dios imiichi

¹⁴Odoy accaami tumti yugo con jém dápic icupicpa Cristo. ¿Jutsap iwīnanigáy jém wibic jixi con jém malopic jixi? ¿Jutsap iwagáiyaj jém juctiaṅtsoca con jém piichi? ¹⁵¿Jutsap iniifyaj tumti jixi jém Cristo con jém Wocciwiñ? ¿Jutsap

iniityaj tumí jixi jém icupicnewiip
Cristo con jém pixiñ jém ðapic
icupicne? ¹⁶¿Que wiap iwaganaif
Dios imastic jém watnas? Ða wiap.
Taichfam jém Dios tamastic jém
vivopic. Juuts Dios nim iyaac:

Ich aif jém ampixiñtam
ianamanjom, anwaganasiiba
jeeyaj.

Ich aDios de jeeyaj.

Jeeyaj ampixiñtam, nimpa Dios.

¹⁷Jeeyucmi nimpañim tanJatuj
Dios:

Tsaganputtaami itumpiy jém
ðapic icupicneyaj Dios.

Odoy waganasi jeeyaj.

Odoy wattaami juuts iwatyajpa
jém malopic pixiñtam.

Odoy tsici jém ðapic wi.

Jesic mampictsonjtampa.

¹⁸Ich atsitya juuts mimichfam
iñJatuj

y mimichfam michíyftampa
juuts manjymanictam y jém
manyommanictam.

Nimpa jém tanJatuj Dios jém
iniitwiip itumpiy ipimi.

7 Mantiwitam mantoytampáppic,
jempam tajycámayñeta jém
tanJatuj Dios. Jeeyucmi wi iga
tantsactamiñ itumpiy jém malopic
cosa jém imalwadaypáppic jém
tammijtay y jém tánanama iga
tacuáyñetamiñ. Wadayfaami caso
fi ixunpa Dios. Wiwattaami con
itumpiy iñanama.

Cucacyaj ijixi jém Corintopic pixiñtam

²Jistaami iñanamanjom
iga anwipictsonjtamiñ. Ich
ða i ammalwadayne, ni
ða i anacmalwatne ni ða i

ammigóyayne. ³Ða síp mammétsáy
jém iñfánca iga michiñap castigo.

Pero manañmadáypa así porque
tsam manjstampa ánanamanjom.

Wi iga tawagaiñtampa yíp
naxyucmi hasta tawagacaaba.

⁴Ich anwijodoñ iga michfam
inwattampa juuts ich ansunpa.

Tsam amaymay con mimichfam.

Numa, tsam ayaachwatta, pero
cuando manjstampa ánanamanjom,
tsam pimi amaymay.

⁵Dende anúcta jém naxyucmi
de Macedonia, ða ajejneta ni uxan.
Tsam amalwadaytamta jutinqej.
Tsam ityaj jém ánenemigo, tsam
añayajpa con aichtam. Tsam acigne
ánanamanjom. ⁶Pero Dios siempre
iyoxpátpa jém anyácneyajwiip,
acpocsáytim aichtam

ánanama cuando miñ jém Tito.

⁷Ða solamente amaymaywadáy
ánanama cuando núc jém Tito,
pero amaymáypñim porque
michfam tsam immaymaywat jém
Tito cuando oy mijóyáy. Nimpa
jém Tito iga tsam miñyácneta iga
immalwatneta idic. Nimpañim
iga agui anjstampa mimichfam
iñanamanjom. Cuando ammaton
iga agui anjspa, jesic másñim pimi
amaymáyp.

⁸Agui mantsiganýacwat
cuando manjáyáy jém wiñtipic
toto. Anyácne uxan cuando
manjáyáy jém toto porque
tsam pimi manwogáy. Pero siip
ich ða anyácne iga manjáyáy
jempic porque ánix iga jém toto
michiganýacwat no más tum rato,
ocmi jeefim toto miyoxpátpa iga
iñchactamiñ iga immalwattampa.

⁹Siip amaymay, pero ða amaymay

iga miñyácnetá ídíć, amaymay porque cuando mantsiganyácwat, iñchac ifumpiy iga immalwatpa. Mimichfam iñyaachiyta jém anyaaqui hasta iñwattámpa juuts ixunpa Dios. Siip quejpa iga manjwíwadayñe. ¹⁰Dios tacutsadáy jém anyaaqui iga tactsacpa iga tammalwatpa. Ocmi taciacputtámpa iga odoy togóyiñ tánanama. Jesic tamaymáyatámpa. Pero yíp naxyucmipic pixiñfam jém dápic icupicpa Dios cuando iñascaaba jém anyaaqui, da ichacyajpa jém malopic jixi, más ipictsonpa jém castigo para siempre. ¹¹Mantsiganyácwat porque da iñwatta juuts ixunpa Dios. Ixi siip iga tsam iñwadaytámpa caso ti ixunpa Dios. Incupuj jém iñcompañero, iñjampa iga agui imalwatne. Quejpa iga tsam iñwattamtooba juuts ixunpa Dios, hasta más pimipic castigo iñchiíta jém iwatnewiip jém mal. Quejpa iga da iñwianjam jém malopic cosa. ¹²Cuando manjáyáy jém toto, da iga tsam anjísipa jém imalwatnewiip ni dátim iga tsam anjísipa jém malwadayñetawiip. Pero manjáyáypa jém toto iga quejiñ Dios iwíñjom iga tsam anjístampa mimichfam. ¹³Jeeyucmi agui acpocsayta ánanama y tsam pimi amaymáyata.

Pero más pimi amaymáyata iga ánix iga maymáya jém Tito porque mimichfam tsam pimi iñyoxpátta iga ichaguiñ jém anyaaqui. ¹⁴Annímáy jém Tito iga tsam amaymay con mimichfam. Tsam manjucjépa. Siip da atsaap porque numa mimichfam iñwatta juuts

annímáyñe jém Tito. Da je migooyi ifumpiy cosa jém mannímáyñewiip mimichfam. Dátim je migooyi jém annímáyñewiip jém Tito. ¹⁵Jém Tito más pimi miñoypa ianamanjom cuando ijísipa iga tsam iñwatta tífam miñímáy. Quejpa iga tsam iñwadáypa caso iga iñwattámpa juuts ixunpa jém Tito. ¹⁶Ich amaymay porque anjodoñ iga siempre iñwattámpa juuts ixunpa Dios.

Yoxpátyajtap jém tantíwítam con jém ofrenda

8 Siip, mantíwítam, manacjodónatooba jutsap iyoxpát Dios jém ipixiñfam jém naxyucmi de Macedonia. ²Jeeyaj tsam pimi malwadayyajta, tsam cutítsta, pero da anyácneyaj. Tsam yaachayajpa jém pixiñfam, pero itúmyajpa jáyañ tumiñ iga iyoxpátyajpa jém tantíwítam juuts tum rico. ³Ich ánix iga ijiximi itúmyajpa jém tumiñ. Itumpiy jém tumiñiywiip chioyyajpa, chioyyajpatim jém dápic tumiñy. ⁴Jém Macedoniapic pixiñfam tsam iyoxpátyajtooba jém itíwítam jém icupicneyajwiip Jesucristo. Yoxpádoyyajpatim jeeyaj con jém tumiñ. Tsam awágáy permiso iga wíaiñ ichiiyaj. ⁵Ich da anjísipa jém pixiñfam siiga ichiiyajtooba jém tumiñ jém tungac itíwítam. Pero wiñti ijísipa con itumpiy ianama iga icuyoxayajpa Cristo y iga acuyoxatámpatim aichfam. Jempam iwianjam Dios. Jesic ocmi ijiximi itúmyajpa jém tumiñ. ⁶Ich ancunucsáypa jém Tito iga iwadiñ eybic juuts moj iwat con

mimichám iga inñúmtámpa jém tumiñ iga inñoxpáttámpa jém tantiwitam. ⁷Mimichám tsam inñwicupictámpa Dios, tsam wiap ininquej jém Dios inmafi, tsam inñwicutiñiyifámpa jém wibic anquímayooyi, tsam inñwattámpa con itumpiy inñanama jém Dios iyoxacuy, y mimichám tsam antoyátampatim aichám. Jesic wi iga inñjístamiñ iga inñoxpáttámpa jém tantiwitam con jém tumiñ.

⁸Da mampiimiytámpa iga inñwattámiñ jempic, nada más mañcutitstamtooba siiga numa inisiitámpa jém numapic tóyooyi. Jeeyucmi manañmadayñeta iga jém Macedoniapic pixiñtam tsam iyoxpátaypa jém yaachayajpáppic. ⁹Michám inñjodotam iga jém tánQmi Jesucristo tsam tatoyátampa. Tsam rico jém tánQmi, pero ipoychac jém siñyucmipic riqueza iga wiain miyoxpátta. Oy yíp naxyucmi juuts tum pixiñ pobre iga mimichám miricojatámiñ. ¹⁰Ich mannímáypa tí síp anjís. Ich animpa iga más wi para mimichám siiga inñcupacpa jém mojiwip inñwatta maamtíymi. ¹¹Siip accupactaami con itumpiy inñanama juuts inñjísnetá idic wiñí. Chiifaami jém inñiwitam tifam iniífta. ¹²Siiga tum pixiñ da inij jáyay tumiñ, pero tsam iyoxpáttooba y ichiiba uxay, jesic Dios iixñe jextim juuts jém ichiñewiip jáyay.

¹³Ich da síp mannímáy mimichám iga inñoxpáttámiñ jém tungac tantiwitam iga mifogóyayfámiñ. ¹⁴Ich animpa wi iga jextim miidiñ juuts jém inñoxpátnewiip. Siip mimichám

wiap iniccaps jutsay ifogóyayyay jeeyay. Jesic tungac tiempo jeeyajgagam wiap michiiyay jutsay mifogóyayfa. ¹⁵Juuts jayñeta jém Dios inmafi: “Jém ipiñnewiip jáyay jém wiccuy jém titsinaxyucmi ictsíypa, pero dam cutsíypa. Jém ipiñnewiip uxay, da tí ifogóyay.”

Cutsattap jém Tito con icompañeroyaj

¹⁶Iyucuipdios iga jém tanJatun Dios ichi jixi jém Tito inñamanjom iga mijjístamiñ juustsim aichám manjístámpa mimichám. ¹⁷Cuando anñcunucsay jém Tito, acupic, pero je mismo tsam miyoxpátamtooba, siip ixtaami iga miyoxpátámpa ijiximi.

¹⁸Siip mañcutsadáypa jém Tito con jém tungac tantiwí jém tsampic wiap inmat jém wibic anmafi jut anñtuumayajpa jém Dios ipixiñtam. ¹⁹Da no más ich anñcutsat jém pixiñ, pero icupiyajtim jém Dios ipixiñtam jut anñtuumayajpa yim iga wiap awaganasi aichám iganam anñwattámpa jém wibic yoxacuy jém siipic anñwattámpa. Jesic cujiptap jém tánQmi Cristo y quejpa iga tsam tantoypa jém tantiwitam. ²⁰Anñwíwattooba iga odoy i wiain amalnimáy iga anñiiba yíp tumiñ jém tantiwitam. ²¹Siip anñwadáypa caso iga anñwíwatpa jém Dios iwiñjom y anñwíwatpatim jém pixiñtam iwiñjom.

²²Anñcutsatpatim con jeeyay tum jém tantiwí, jém tánixñewiip, iga iwattooba juuts ixunpa Dios. Wañciy anñcutits yíp pixiñ siiga numa iwattooba juuts ixunpa Dios,

quejpa iga n_uma iw_iwatpa. Siip más_tim iwattooba juuts ixunpa Dios porque ijodoŋ iga mich_tam dá in_hactámpa jém Dios in_hma_ti. ²³Siiga i micwácpa de jém Tito, n_imaayi iga awaganayoxap aich iga manyoxpáttámpa mimich_tam. Siiga i micwácpa de jém tant_iwítam, jém nicneyajwiip con Tito, n_imaayi iga jém Dios ipixiñtam icutsatyaj iga cuj_iptañ jém tánQmi Cristo. ²⁴Wipictsoni yíp pixiñtam iga quejiñ iga tsam in_htoytámpa. Jesic quejpatim tiiga tsam man_hcuj_iptámpa.

Túmay_tap jém tumiñ iga yoxpáttap jém tant_iwítam

9 Siip dá man_háyay_tamtooba tí wiap in_hwatta con jém tumiñ jém in_htúmnetawwiip para jém icupicneyajwiip Cristo porque mich_tam in_hjodoŋtam. ²Ich an_hwijodoŋ iga mich agui in_hwiwattooba. Tsam man_hcuj_ipta cuando aoy Macedonia. Annímáy jém pixiñtam iga dende maam_tiy_mi in_hjistámpa iga in_htúmtámpa jém tumiñ. Cuando miixyaj jém Macedoniapic pixiñtam tí in_hwat, jesic casi it_umpiy iwattooba mex jeeyaj juuts siip in_hwattámpa. ³Pero an_hcutsatpa yíp tant_iwítam iga quejiñ iga da amigóypa cuando man_hcuj_ipta. Man_hcutsadáypa jém tant_iwítam iga n_uma mi_ht_tamiñ listo juuts animne. ⁴Siip an_hwagananicpa algunos jém Macedoniapic pixiñtam. Siiga nicpa mampáta dá in_htúmnetá jém tumiñ, jesic ich atsaap; mimich_tam michaatámpatim porque ich an_hjspa iga in_hwatne juuts man_hímayñe.

⁵Jeeyucmi ich an_hmpa w_i iga man_hcutsadáy jém tant_iwítam iga niguiñ miámcoñw_iy iga miyoxpátpa iga capxiñ jém tumiñ juuts mich_tam in_hjycámnetá antes que danam in_htúmnetá jém tumiñ. Jesic quejpa iga dá mamp_hím_typa aich, pero mimich_tam in_hyaac michioytámpa.

⁶Jistaami tí man_hímay_ta mimich_tam, el que in_hippa uxan, uxan_tim ipiŋpa. El que in_hippa jáyan, jáyan_tim ipiŋpa. ⁷Cada tumtum de mich_tam chioytáami jém tumiñ juuts in_hjistámpa in_hanaman_hjom. Odoy chioytáami p_im_im_i. Porque Dios tsam itoypa jém chioypáppic con it_umpiy ianama. ⁸Dios michiitámpa mimich_tam jáyan w_tampic cosa iga iniit_tamiñ títam in_hxuntámpa. Jesic iniit_tim jáyan w_tampic cosa iga in_hyoxpáttámpa jém pixiñtam jém iwatyajpáppic jém Dios iyoxacuy. ⁹Nimpa jém Dios in_hma_ti ju_t jayñeta:

Dios ichiiba jáyan w_tampic cosa jém yaachayajpáppic.

Dá nunca cuyajpa Dios itóyooyi.

¹⁰Dios tachiiba jém pac para tan_hippa. Tachiibatim títam tan_hcútpa. Dios tachiibatim jáyan wibic j_ixi iga w_iaiñ tanyaachan_hjam jém tant_iwítam. Tsam an_hpicpa jém wibic j_ixi juuts tum pac ñiptap. Dios iyoxpátpa iga jáyanap, iga w_iputpa jém wibic yoxacuy. ¹¹Asítim mimich_tam iniit_ta jáyan w_tampic cosa iga w_iaiñ in_hchiifa jém tant_iwítam. Jesic cuando ich ananicpa jém tumiñ, jém in_htúmnetawwiip, jém ipictsonyajpaap tsam ichiyajpa gracia Dios. ¹²Porque cuando

tanchiiba yíp yoxpádooyi jém tantíwítam, da no más tanchiiba tífam ifogóyáy, pero cuando tanwattámpa jempic, jesic jém pixiñtam tsam icujípyajpa Dios. ¹³Jeeyaj tsam icujípyajpa Dios iga tanyoxpátne. Quejpa iga tsam inçupicneta jém wibic anmafi, jém tachiinewiip Cristo. También jeeyaj tsam iwíixyajpa jém tanJatuñ Dios porque tsam jáyañ iñyoxpátneta y iñyoxpátpatim itumpiy jém pixiñtam. ¹⁴Jeeyaj tsam mijisyajpa y tsam inwejpátyajpa Dios para mimichtam. Cuando michtam inwíwadáypa jém tantíwítam, quejpa iga Dios tsam tatoypa tantumpiytam. ¹⁵Iyucuidios iga tachiineta jáyañ wítampic cosa jém dápic wiap tanañmat.

Iniif autoridad jém Pablo juuts tum apóstol

10 Ich aPablo. Jém tánQmi Cristo achi jixi iga da amalo, iga atóyóypa, jeeyucmi mançunucsáypa. Nimyajpa iga da amalo cuando tawagaiña, pero tsam apiimíyóypa cuando atsíy juumi de mimichtam. ²Siip mançunucsáypa iga inçhaguñ iga immalwatpa, jesic cuando nicpa mánám, da manwogáypa. Porque algunos de mimichtam nimyajpa iga ich ammalwatpa juuts cualquier jém pixiñtam. Ich aif dispuesto iga anánammocpa jém pixiñtam iga anwogáypa. ³Numa taichtam yíp naxyucmipic tapixiñtam, pero da jempic tánatámpa juuts yíp naxyucmipic pixiñtam. ⁴Cuando tánatámpa con jém Dios ipimi, jesic tammiswadáypa jém Wocciwiñ

ipimi. ⁵Jempam tammiswatpa jém migooyi y cualquier jém malopic jixi jém iniifwiip jém pixiñtam ianamanjom, jém dápic ijícpa iga icupicpa Dios. Tançoñwíypa jém pixiñtam ijixi iga icupiguiñ jém Cristo. ⁶Cuando wiquejpa iga inwattámpa itumpiy juuts ixunpa Dios, jesic ich wiap anchi castigo jém tantíwítam, jém dápic iwatyajpa itumpiy juuts ixunpa Dios.

⁷Mimichtam inixtámpa jém pixiñtam jém nimyajpáppic iga icupicpa Cristo. Wi iga ijodónaiñ iga aichtam ançupictámpatim Cristo. ⁸Siiga más jáyañ anacujíptap anyaac iga tánQmi accám juuts tum anjagooyi, da atsaap. Achi jém cargo iga manyoxpátámpa iga más y más inwattámpa juuts ixunpa Dios. Da achi jém cargo iga mammalwadaytámpa. ⁹Da ansunpa iga mantsiganjecpa con jém toto jém mançutsadayñewiip. ¹⁰Nimyajpa iga tsam pimi manwogáypa con jém toto cuando manjáyáy. Pero cuando oy manjójáy mimichtam, ich juuts da ti anjodon. Nimyajpatim iga jém anañmafi da para ti wi. ¹¹Pero jém nimyajpáppic así wi iga ijodónaiñ iga jextim jém anañmafi cuando manjáyáypa juustím cuando aif con mimichtam.

¹²Aich da animpa iga atsíypa juuts jeeyaj. Da ajex juuts jém nacujíptapáppic iyaac. Jeeyaj tsam jixifogoyñeyaj porque iyaac naquipsyajtap con iquípsóycuy. Lámpa siiga ictsíypa con jém tunçac itíwi siiga jextim iwí.

¹³Pero aichtam da anñaspa iga

anacujíptap. Dios tanquejáypa hasta juí tanúcpa iga tayoxap. Ajígayfa iga anúcta hasta juí miífá. ¹⁴Ich anwatpa nada más juuts anquejáy Dios. Wińti aoy hasta juí miífá mimichfam iga manañmadáy jém wibic anmafi jém Cristopic tachiíne. ¹⁵Da anacujíptap anyaac juuts ich anwat jém tungac pıxiń iyoxacuy juustim ich anwat jém yoxacuy. Pero ich animpa más wı siiga más y más incupicpa Cristo wiap anyoxata con mimichfam. Pero ich anwattampa siempre juuts anımayne Dios. Da wiap annasca. ¹⁶Ocmi ananictamtooba jém Dios inmafi hasta más juumi juí miífá. Pero da wiap anacujípta juuts iga anwatta jém yoxacuy jém iwatnewiip tungac pıxiń.

¹⁷Siiga algunos nacujíptatooba, más wı iga icujıbiń jém tánQmi Jesucristo. ¹⁸Dios iwianjam tum pıxiń siiga iwatpa juuts ixunpa tánQmi Cristo. Da ipictsonpa iga agui nacujíptap iyaac.

Jém Pablo y jém tungacyaj apóstol, jém migoyajpaap

11 Wı meega michtam anyachıfpa tum rato juuts ich da ajıxıfı. ²Tsam mançunaıfpa con jém naja jém Diospic achiíne. Manjıcunúgayne michtam iga manançómıfpa con inwidaya jém Cristo juuts tum wońi jém dapic fı iwatne. ³Jém Wocciwiń como tum tsań agui jáyayanjıchıch, imigóyáy jém Eva. Jempicım ich ançınpa mimichfam iga wiapım i mimigóyáy iga jém injıxianjom injıspa iga inçacpa iga infoypa Cristo, jém iniıfwiip jém numapic

tóyooyi. ⁴Inwianjamta jém miñquejayñewiip de tungac Cristo jém dapic nunta Cristo. Tsam mimaymay iga impictsonıta jém tungac espıritu jém dapic jex juuts jém manañmadayñewiip. Tsam incupictampa jém migooyi jém dapic jex juuts jém Cristo inçımayooyi. ⁵Ich más awıap que jém tungac apóstol, jém migoyajpaap jém michpic inıńıyıtampa. ⁶Ich anañmatpa juuts tum pıxiń dapic wiap inmat, pero jém anjıxi da jex. Cuando mu inıx iga anwat itumpıy jém wıtampic cosa, jesic quejpa iga wı jém anjıxi.

⁷¿Que mich ininjam iga ammalwat iga da mantségáy cuando oy manañmadáy jém wibic anmafi? Ich atsıy juuts da fı awıap iga micujıptaıń mimichfam. ⁸Ich ampictsonne jém tumiń jém achiıñewiip jém Dios ipıxińtam jém tungac lugarpic iga manyoxpáttampa mimichfam. ⁹Cuando aıfta con mimichfam tsam ayaacha, pero da fı manwágayfa. Jém tantıwitam, jém mińnewiip Macedonia, jeam achiıyaj itumpıy cosa fıtam atogóyáy. Jesic da fı manwágayfa y sıip datim manwágaytıampa. ¹⁰Ich anwijodon iga numa jém Cristo inçımayooyi. Ich tsam amaymay iga da antségáy jém pıxińtam icuwıfi jém naxyucmi de Acaya iga oy anañmadáy jém wibic anmafi. Da i wiap accáyáy yıf maymáyaji. ¹¹¿Tıiga animpa jempic? ¿Que michtam injıspa iga da mantoypa? Dios ijodon iga tsam pımi mantoypa.

¹²Pero seguido anwatpa juuts anwatne iga jém ánenemigoyaj

juuts ich dá an̄wicupicne Dios. Siiga algunos acwattap tán̄ca, jesic ich agui atsaap y agui ajóypa. ³⁰Siiga anacujíptap anyaac, jesic anacujíptap iga dá tí wiap an̄wat, pero jém tán̄Qmi Cristo tsam ayoxpát iga agui awiap. ³¹Jém Dios, jém tán̄Qmi Jesucristo iJatuñ, wí iga tan̄cujíptampa ítumpiy tiempo. Jém tan̄Jatuñ Dios ijodoñ iga dá amigóypa. ³²Cuando aít jém attebet Damasco, jém gobernador jém icuyoxapáppic jém rey in̄iyi Aretas, ip̄imíy jém policia iga nīguiñ an̄teñ jém taañi ipuerta iga amatstaiñ. ³³Pero ajímquetta tum coonjom jém taañi iweñtañ. Jempigam aciiput de jém ánenemigo iciijom.

Nimpa Pablo iga iix tum poñ

12 Dá tí acuwatcuy siiga anacujíptap anyaac. Pero siip ich anañmatpa títam an̄quejáy jém tán̄Qmi Jesucristo cuando awiñquejáy jém tán̄Qmi juuts tum poñ. ²Ich ánixpicpa tum pixiñ jém icupicnewiip jém Jesucristo. Siip nasneum catorce año nanicta jém tucutenpic siñyucmi. Dá tan̄jodoñ siiga nanicta con jém imijtay o no más nanigayta ianama, solamente Dios ijodoñ. ³Pero an̄jodoñ iga nanicta siñyucmi jém pixiñ. Eybicim mannímáypa iga dá an̄jodoñ siiga nanicta con imijtay o no más ianama nanigayta. Sólo Dios ijodoñ. ⁴Nanicta jém paraíso juít í Dios. Jemigam an̄mattap jém j̄ixi jém dapic i wiap icutiíyí. Dios dá ij̄icpa iga tanañmatpa jexpic j̄ixi ȳp naxyucmi. ⁵Ich animpa iga agui wí iga nanicneta siñyucmi jém pixiñ. Pero ich anyaac dá tí awiap.

Solamente anacujíptap iga dá awiap. ⁶Siiga ich anacujíptap anyaac dá ajex juuts jém pixiñ dapic j̄ixiíy. Porque siiga anacujíptap anyaac, wí porque anañmatpa jém numapic cosa. Pero dá an̄watpa jempic. Más wí iga jém pixiñtam aixyajpa iyaac tí an̄watpa y imatonyajpa tí anañmatpa.

⁷Jém siñyucmic cosa, jém an̄quejayñewiip Dios, tsam tampoonañjampa. Jesic iga odoy anacujíptaiñ iga oy anám jém wibic cosa siñyucmi, Dios ij̄ic iga jém Wocciwiñ acutsadáy tum toya juuts tum apít atseñayñe ammijtay iga odoy an̄jixiñ iga agui awiap iga aoy siñyucmi. ⁸Tres veces an̄wágáy tán̄Qmi iga accáyayíñ jém toya. ⁹Pero jém tán̄Qmi anímáy iga: “Siiga iniit jém antóyooyi dá tí más mitogóyáy. Siiga tum pixiñ dá tí wiap iwat iyaac, jesic más wiquejpa jém Dios ip̄imi.” Jeeyucmi agui amaymay iga dá tí wiap an̄wat anyaac. Más wiquejpa iga jém tán̄Qmi Cristo ip̄imi ayoxpátne. ¹⁰Jeeyucmi amaymay iga dá tí wiap an̄wat iga tsam amalnímayta, iga tsam ayaacha, iga ajóyixta, tsam ayaachwatta jém Cristo icuyucmi. Cuando dá tí wiap an̄wat anyaac, jesic Dios achi jém ip̄imi iga más wíap an̄wat juuts je iwianjam.

Tsam ij̄ispa Pablo jém Dios ip̄ixiñtam jém an̄tuumayajwiip jém attebet Corinto

¹¹Ich ajex juuts tum pixiñ dapic j̄ixiíy cuando anacujíptap anyaac. Michtam iniit la culpa, jeeyucmi an̄wat jempic. Más wí iga mimichtam an̄cujíptamiñ aich. Ich

quejpa iga dá tí wíap aṅwat, pero más awíap que jém tuṅgac apóstol, jém miḡoypaap jém michpic síp iñtúnjyá. ¹²Tsam wí quejpa iga ich tum numapic aapóstol jém Diospic acutsatne porque oy aṅwat mimichfámanjom jém milagroyaj, jém cosa dápic i wíap iwat y jém seña jém dápic queman tánix. Chocoymi manaquejáypa. ¹³¿Que iñjísipa iga ich dá maṅwíwadáypa juuts aṅwíwadayñe jém tuṅgac grupo jém Dios ipixiñtam? No más dá tí maṅwágayá. Awadaayi perdón iga dá manjígáy iga anyoxpáta.

¹⁴Siip anjísipa iga nicpa manjójáy. Siip tres vecesam nicpa manjójáy. Y dá tí maṅwágayátampa. Dá nicpa amméts títam iniífta. Pero nicpa manyoxpáta. Jém jatunpic iṅtuumawatpa jém tumiñ para jém imañictam. Jém mañicpic dá iṅtuumawatpa jém tumiñ para jém ijatun. ¹⁵Ich aṅwatpa gasto ítumpij jém anaitwiip. Aṅwatpa gasto hasta anyaac anachiítap iga accaatap iga odoy togóyiñ jém iñanama. Michfám tsam pimi mantoypa, pero michfám dá pimi antoyátampa juuts aich.

¹⁶Michfám iṅwijodonj iga dá tí maṅwágáypa mimichfám. Pero nímjajpa algunos jém pixiñtam iga ich tsam ajáyayanjichich iga oy mammigóyáy. ¹⁷¿Que mammigóyáy cuando maṅcutsadáy algunos jém pixiñtam? ¹⁸Annímáy jém Tito iga niguiñ miámcoñwíy. ¿Que iñjísipa iga mimigóyáy jém Tito? Je iwatpatim juuts aich. Tumtí jixi inisiiba con aich.

¹⁹Tal vez michfám iñjístampa iga manjáyáypa yíp toto iga ich

anyaac anacupujtap. Pero dá aṅwatpa jempic. Siip, mantiwítam, mantoyfampáppic, anaṅmatpa así jém Dios iwiñjom jém Cristo iñiyimi. Manjáyáypa así porque tsam manyoxpáttooba. Jeeyucmi aṅwat títam aṅwatne. ²⁰Ich aciṅpa iga cuando nicpa mánám dá mampátpa iga síp iṅwat juuts mannímayñe. Michfám dátim ampátpa aich juuts mich iṅwianjam porque siiga immalwatne tienes que maṅwogáypa. Ich aṅciṅpa iga michfám tsam miñatámpa, tsam micujóyáyoypa, tsam iniít jooya iñanamanjom, tsam minitoytap iñyaac, tsam immaytámpa jém malopic cuentoyaj, tsam micujóyáyoypa, tsam minicujíptap iñyaac, cada tumtum iṅwattámpa juuts iñxunpa iñyaac. ²¹Ich aṅciṅpa iga cuando eybic nicpa manjójáy, jesic Dios atsaawatpa porque michfám dá iñchacpa iga immalwatpa. Tsam pimi awejpa porque waṭi de michfám tsam iṅwatneta tánca. Tsam pecam dá iñchactámpa iga immalwatpa. Algunos tsam imalwat con jém yomtám y dátim ichacne jém malopic vicio juuts iwatyajpa dende wiñigam.

Jém Pablo icjodonap tí miñpa
y iṅquímpa jém iamigoyaj

13 Siip tres vecesam nicpa manjójáy. Aciiṗiṅoypa chocoymi. Cuando quejajwadáytap jém pixiñtam iga imalwatne ixunpa wisten o tucuten testigo. ²Annímáy jém pixiñtam iga chiítap jém castigo jém imalwatnewiip pecam. Y siip eybicim annímáypa

iga ipictsonyajpa jém castigo juuts mannímayñe cuando oy manjónyáy wisciý. ³Michfám tsám aņcutítstamtooba iga quejiñ siiga nũaa Cristo acutsatne. Jém tánQmi Cristo da jex juuts tum pıxiñ jém ďapic wiap. Tsám iniit ipimi iga micıpiņpa mimichfám. ⁴Nũaa jém Cristo cunúnta cunusyucmi juuts tum pıxiñ ďapic wiap. Pero siip íf vivo jém Cristo porque iniit jém Dios ipimi. Jempictim siip aichfám da tí awiap. Siiga aņwaganait jém tánQmi, jesic anaítfa jém Dios ipimi iga wıaiñ mançuyoxata mimichfám.

⁵Naciıpiņtaji iñyaac siiga numa da iñchacpa iga iņcupicpa Cristo. ¿Que da iñjodonjam iga jém Cristo íf iñanamanjom siiga da mimigóypa iga iņcupicpa Cristo? ⁶Ich manacjodónap iga da mammigóyayñe iga numa aņcupicpa jém Cristo. ⁷Ich anaņwejpáttámpa Dios iga odoy immalwattámiñ. Ich ansunpa iga wıpuđiñ jém iñyoxacuy iga iņwattámiñ juuts ixunpa Dios. Siiga mich iņwiwatpa, jesic ich amaymay. Da manañquejáypa jém ampimi. ⁸Da wiap anic en contra de jém numapic aņquímayooyi. Siiga iņwiwatneum,

da manwogáypa. Tienes que aņwattámpa juuts nımpa jém aņquímayooyi. ⁹Ich agui amaymay siiga michfám iņwiwatneum, jesic da manañquejáypa ampimi iga manchiiba castigo. Seguido anaņwejpáttámpa Dios iga capxiñ iņcutiıyıy jém Dios iņmafı. ¹⁰Manjáyáypa yıp toto antes que nicpa mánám. Jesic cuando anicpa, da pimi manwogáypa porque ich juuts tum aņjagooyi. Jém tánQmi accám juuts tum aņjagooyi iga manyoxpáttámiñ iga más wiap iņwatta juuts ixunpa Dios. Da accám juuts aņjagooyi iga manactogoytámiñ.

¹¹Siip mantıwıtam, mançutsadáypa wátıdios. Wattaami juuts ixunpa Dios iga wıtsıyıñ jém imvida. Matonjaami tí mannímáy. Naiítaami tumtı jıxi. Odoy aņataami. Jém tanJatun Dios, jém tsampic tatoypa, íf con mimichfám. Je miyoxpátpa iga odoy mınjatámiñ. ¹²Nadioschıtamtaji con jém iñıwıtam con tum aņnacatsuuchi. ¹³Ítumpıy jém Dios ipıxiñfám, jém ítwııp yım, micutsadáypa wátıdios.

¹⁴TánQmi Jesucristo miyoxpáttámiñ, jém tanJatun Dios mitoytámiñ y jém Dios iAnama miwaganaittámiñ. Jemum cuyaj.